

Formado contenido cu resultado di encuentro cu APA



ORANJESTAD - Formado di gobierno Mike Eman ta tene diferente encuentro. E ta encuentronan importante cu diferente grupo cu tin entre otro proyecto cu tin impacto grandi pa pais Aruba y su economia. Durante e ocasion aki na final di un reunion cu APA e formado Mike Eman a hiba palabra.

IMPACTO POSITIVO

El a splica cu e importancia di e encuentro aki ta cu na e momentonan aki APA ta desaroyando un proyecto cu ta bay tin un impacto positivo hopi grandi riba e economia di Aruba. Na mei, documentonan a keda firma y despues

mas documento a wordo ehecuto tambe pa por yega na e traspaso y e mudamento oficial di e waf di container di playa pa Barcadera y esaki ta rekeri un inversion substancial na e area di Barcadera cu ta 123 miyon florin cu ta bay wordo inverti entre awor y mei 2015.

TRABAONAN CLA PA CUMINSA

E trabaoonan ta cuminsa inicialmente na final di e aña aki preparatorio y e inicio di 2015 e trabaoonan grandi ta cuminsa pa e parti cu ta toca APA, caminda a haya un splicacion riba dje. E parti cu ta toca APA ta e parti for di e

muraya di waf bay den lama, caminda cu trabaoonan grandi mester wordo haci, cu ta mas of menos un inversion di 40 miyon y e parti di ASTEC, e parti riba tera y mehoracion di henter e waf na Barcadera ta bay tin un inversion di 83 miyon florin, segun Eman.

DELIBERACIONAN CU APA

Como formado den e tarea cu e ta haya di parti di Gobernador ta inclui e aspecto di crecimiento economico di Aruba y tambe e aspecto di e tres pilar economico pa Aruba. Den e contexto ey a mira e importancia pa papia cu APA. Pa e siguiente añanan e inversionnan aki pa e momento cu ta inverti, ta prepara e waf, ta bay tin un impacto economico importante di creacion di trabao, inversion di capital y despues cu e waf keda cla. Eman a sigui splica cu tanto e parti di crucero, como e parti di container ta bay habri oportunidadnan nobo pa por expande actividadnan di e barconan crucero cu ta dreठा e waf di playa e ora ey, cu ta bay ta hopi mas liber y tambe den bunitesa, sigur sin tur e container y e parti industrial ta bay hopi atractivo y e ideanan cu gobierno tin ta pa acopla e desaroyo aki na e desaroyonan den centro di ciudad y haci e parti integral. Formado tin un tarea cu a bin di gobernador pa atende cun'e. Pa e proximo añanan y e preparacion lo tin basta movecion cu trabao etc y habri oportunidadnan nobo pa otro areanan manera crucero, segun Eman.

ESPACIO PA CRECIMENTO Y OPORTUNIDAD

E oportunidad di e mudamen-

to ta bay duna hopi espacio pa esaki. Na e mesun momento e parti di container ta bay tin hopi espacio pa crece. Di parti di APA a haya un bon splicacion kico ta e oportunidad ta bay wordo crea, tanto dentro di e parti cu zona liber ta bay mercadea, pero tambe e areanan cu ta bin acerca, cerca di e waf di container cu ta habri posibilidad industrial pa mas inversion, Eman a sigui bisa. Eman a pidi APA, den cuadro di peticion di gobernador, pa mira tambe e aspectonan di e tres pilar economico. Inversionnan aki no ta tuma luga tur dia. Por busca sinergia dentro di e actividadnan economico aki pa crea cierto establecimentonan mas permanente na Aruba.

SINERGIA

Por pensa riba aspectonan tecnico, por pensa riba aspectonan di energia. Na e momentonan aki e barconan crucero cu dreठा nan tin nan mesun energia ora nan ta mara na Aruba. Aruba lo por bende nan energia. Esaki ta bay crea un division nobo di actividad nobo sea cu ta cerca APA of WEB of un combinacion di institucionnan tecnico hunto cu APA.

SUFIMIENTO DI BARIO

E parti di logistica, si mira un proyecto di e taya aki den un contexto mas amplio, kico e porifica pa e comunidad, a pidi APA pa mira e areanan di Barcadera, e partinan di Mahuma, di Cas Paloma, Parkietenbos, areanan cu hopi aña a sufrí cu e presencia di un dump, unda e inversionnan cu ta wordo haci na e momentonan aki di parti di esnan cu ta bay construi por tin bista tambe pa duna nan un sosten na mehora e calidad di bida

den e areanan ey pa asina for di un proyecto grandi por saca mas cu local ta e proyecto riba su mes, cu ta hopi importante logicamente, pasobra pa Aruba hopi aña a sinti como limitacion e hecho cu tin e waf crucero hunto cu e waf di container, segun Eman.

ESPACIO PA EXPANDE

E tabata un espacio cu e waf di container no tabata tin pa expande pasobra tin cu tene cuenta cu esun di crucero y crucero no por a expande pasobra tin parti cu ta wordo ocupa pa trabaoonan cu mester haci pa por acomoda e barconan di container. Awor cu e mudamento aki hopi espacio ta bin habri y hopi oportunidadnan ta wordo crea y den e contexto di e trabao di formado ta importante pa sa kico ta e impacto economico cu esaki ta bay tin e añanan cu ta bay bin pa e trabaoonan tambe cu mester wordo haci pa traha e programa di gobernacion nobo pa 2013/2017.

CONTENTO

Formado ta hopi contento cu e informacion cu a wordo haya for di APA. Esaki ta un impulso grandi pa empleo y inversion ta grandi. Inversion di 123 miyon florin semper tin un impacto positivo den e entrada di gobierno. Tin cu pensa riba loonbelasting, inkomenbelasting, winstbelasting, tur esakinan ta aumenta dor di tipo di inversionnan aki y e impacto tambe riba e primanan di AOV, tur ta subi cu e tipo di inversionnan aki. Esaki naturalmente ta bon noticia pa e proyeccionnan di 2014/2015 cu ta e periodo di cual e proyecto aki ta bay wordo ehecuto y lo tin su impacto economico y di inversion mayor. □

Alfonso Boekhoudt di APA

“Mudamento di waf ta habri un actividad y oportunidad nobo pa Aruba”

ORANJESTAD - Alfonso Boekhoudt director di APA a reuni cu formado di Gobierno, Sr. Mike Eman. El a comenta cu tabata un privilegio pa a wordo invita pa duna informacion riba e proyectonan cu APA lo bay ta haciendo.

PROYECTO TEY

E proyecto pa mudamento di waf lo t'e. E ta sosodiando y cu esey e ta habri un actividad y oportunidadnan nobo pa Aruba. Segun Boekhoudt, APA ta masha contento cu a mira cu a haya e sosten necesario pa por a concretisa e proyecto aki. APA ta mucho mas entusiasmo cu e impacto

positivo pa nos economia local, tambe pa e servicicionan cu ta tuma luga ora cu ta papia di importacion di carga. APA ta contento cu nan por a pone nan vision dilanti pa mira con nan ta bay ehecuto e proyecto aki den un forma hopi consciente pa su impacto pa nan bisñanan y esnan cu ta rond di nan. Tanto na Barcadera y Oranjestad ta habri posibilidad di desaroyo, teniendo na cuenta e desaroyo di henter e centro di ciudad, sin lubida e componente di urbanisacion cu ta bin tumando luga, Boekhoudt a expresa.

PRIVILEGIO DI FORMA

PARTI
APA ta sinti su mes privilegio di por ta involvi den un proyecto grandi asina cu ta crea un impacto asina grandi cu solamente mehora operacionnan di nos waf, Alfonso Boekhoudt a bisa. APA ta consciente di esey y ta contento cu formado tambe ta duna importancia na tambe haci nan consciente cu esaki no tin menos importancia pa tene cuenta cu e impacto por ehempel riba economia local. APA ta contento cu nan ta den e oportunidad ey pa brinda un empuhe na e economia local y lo haci nan maximo esfuerzo pa haci esaki hopi responsa-

bel, el a sigui splica.

APORTE POSITIVO

Como cu Aruba ta un isla cu ta depende di hopi material cu proyectonan grandi asina. Historicamente APA a mira e fluho di importacion di material ora cu tin proyectonan grandi.

Den temponan cu tabata tin proyecto di hotel ta mira importacion a aumenta drasticamente di materialnan cu ta bin Aruba y esey ta algo cu ta spera awor aki. Boekhoudt a enfatisa cu lo bay mira hopi mas servicio y negoshi cu ta bay tuma luga cu APA ta kere cu esaki ta un manera di aporta

positivo di parti di e proyecto aki den comunidad.

OPORTUNIDAD PA TRABAO

Durante e splicacion e director di APA a splica cu construcion lo cuminsa na 2014 y lo finalisa na mei 2015. Por ultimo Boekhoudt a comenta cu ya caba ta papia alrededor di 40 persona directo trahando pero naturalmente tin tambe un impacto hopi mas grandi di trabaoonan cu ta bay wordo duna na companianan chikito cu ta crea un impacto hopi mas grandi di e cantidad di hende cu lo ocupa cuy e proyecto aki. □